

जूझती जूण

मोहम्मद सदीक

प्रकाशक

सलसा प्रकाशन

वीकानेर

प्रकाशक :
सलमा प्रकाशन
बीकानेर

पैलो संस्करण : अगस्त १९७६

✽ मोहम्मद सदीक

प्राप्ति स्थान :
द्वारा श्री जमालदां भाटी
शकर भवन के पीछे
राणी बाजार
बीकानेर- ३३४००१

© लेखक के सर्वाधिकार सुरक्षित है

मोल : १३) रिपिया

मुद्रक :
नेशनल आर्ट प्रेस,
बीकानेर

JOOJHTI JOON
(A Collection of Poems in Rajasthani)
By
MOHAMMED SADIQ
Salma Prakashan
BIKANER
Price 13.00

दो सबद

आपरै आपै रै खातर मिनखजूण रो जूझणो
सूरज रै साथै - साथै ऊगतो आयो है अर
ऊगतो रँसी ।

समता समानता अर सुतंतरता रो
परखणियो पारखी मिनख जुगां - जुगां स्यूं
जीवन रा नूँवा अर अनूठा अनुभव ले'र सगली
सगती रै सगलै सरोत नै सदा चुनोती दी है
बकारियो है अर नई दिसा ली है ।

मायइ भापा रो पाठक होणरै साथ-
साथ दूजो भापावां ऊं म्हारो आंतरो कोनी ।
अरबी, उर्दू, हिन्दी अर अंग्रेजी भापावां भी
आच्छो अंगचंग लाग्योड़ी है ।

दस अर वत्तीस बियाळोस पतझड़ देखणै
रै बाद म्हारो कवितावां रो पैलो संकलन
“जूझती जूण” में म्हारै आदर जोग अर
लाडलै पाठकां रै हाथां में संपर्यो है ।

लारलै बीस पच्चीस बरसां में साथी
कवियां अर गायरां रो सम्पर्क म्हारो प्रेरणा
रो मूल सरोत र्यो है । बांरो घणो आदर है ।

मैं हूं सोई म्हारो कविता है म्हारो
कविता है सोई मैं हूँ ।

बीकानेर : अगस्त १९७६.

—मोहम्मद सदीक

विगत

१	घाँस रें बी बीज नें	५	२५	सामझाममा	५६
२	घाँच हो घाच	८	२६	बँठी-बँटी बीतो यूँ	५६
३	चेत मानसा चेत	११	२७	हृम्भ कँवो किर-किर घाई६०	
४	बरियान री बाराद	१४	२८	मुळ मुळियो	६२
५	धरती रा ताडेसर	१७	२९	बाङ छेत नें साबै है	६४
६	मायलो अमूजो	२१	३०	भन्तस उठ बील्यो	६६
७	गूग री घून्ट	२३	३१	सप्पमपाट	६८
८	ऊग मत/जाग	२५	३२	बीज बाँझो	७०
९	धरती धकेल	२७	३३	भाजादी	७१
१०	गुवाङ री जरायो	३०	३४	दुल री लामो दूण	७३
११	होकड़ा उतार	३१	३५	धमलें रा फूम	७५
१२	चोकर	३३	३६	सावरयेरी सारगी	७७
१३	सील	३४	३७	ख राखें सो रैमी राम	७८
१४	टिल्लो	३५	३८	जोह्यू लख घनेक	८०
१५	लोक राज	३६	३९	मुवाँ अरय	८२
१६	मोसमी कूकड़ा	३७	४०	जीमो बेटा रात अघारी	८४
१७	घडी करो	३८	४१	मन रो मान सरोवर	८६
१८	ओ कुण	४०	४२	मन मछनी	८७
१९	आपैरी अपणास	४२	४३	कामणी	८९
२०	अजें जूझणो पड़सी	४६	४४	हूक री कूक	९१
२१	तिस री कूल	४९	४५	कसुम्बा	९३
२२	म्हारा लाडला	५१	४६	सीरठा	९५
२३	मूनै-मूनै पीजरें रा	५३	४७	मुल्लक	९८
२४	भरू टिया	५५	४८	नूँथीर	१००

आंकस रै बीं बीज ने

मभ दोपारो में
किलकिलातै
तावड़िये स्यूं
तातै तवै सी तपती
सड़काँ पर
सिकतो/सिसकतो
भुछसीजतो/विलखतो
उघाड़ो सरीर
पगाँ-उभाणों
भागतो-भटकतो
मिनखाचारो
ठौड़-ठौड़ टूट्योड़ो
मिनख-जमारो
थोप्योड़ी थोथी जूण रै
इण पार स्यूं उण पार
सड़क रै नीचलै पासै स्यूं
ऊपर नै आण रो धार
नीची धूण
पोची जूण रो घणी
घराय आपरी

कंवळी-कुंवारी काँधो पर
 जूवो जूण रो
 नसडी रेडतो
 हाँफतो हेरतो
 पसीनं रै वँवतै बा'ळा में
 डूवता चार पोर बारनै
 निकळचोडी जीभ स्यूं
 टपकतो राळां हाळो मूंडो ले'र
 खाना होग्यो ।
 माथें ऊपर लादै ज्यूं
 लद्योडा लोग
 नित नूवों ऊगतो
 अणतो बोझ लेर
 चढणो सामी छाती
 करडें चढाय पर
 इण जीव नै
 हाँकणियाँ रै हाथाँ में
 होवें रेसमी रास
 नाथ नै नचावती
 लाम्बी-आली कामडी
 कुठोड़ मारण नै होवें
 आँरं कन्नै ठोकराँ
 कामडी री करडी मार
 खावतो-खावतो
 रास रा लगो-लग
 लागता भटकाँ स्यूं
 छोर्जत चिरीजत

नाक स्यूं बंवतो लोई
 सींचतो रेंवै
 आँकस रै बीं बीज नै
 बीं दिन ताँई
 जद होय घणो रिसाणो
 रीस नै रसाय
 माँय लै चूलें हाळी
 आकरी आँच नै जीवती राख
 रुखाळसी आपरो आपो
 देखताँ-देखताँ
 सगळी साँकळाँ नै तोड़
 पूगसी सागी ठोड़
 जठे— ना छोजें ना चिरीजें
 ईंरो नाक
 रास रै अणुतं भटकाँ स्यूं
 जठे— कामड़ी रो कारोबार
 कफना र दफना दियो होसी ।

□

आँच ही आँच

सो' झूठ

पण एक साँच है

मिनख रो देह में

आँच ही आँच है ।

इण आँच रो संजोरी साँच

इण साँच नै संजोणिया

खेत बीजता किसान

सड़क कूटता मजूर

जूती गाँठता मोची

लो कूटता लुवार

अर गळी बुवारती मेतराणियाँ

पेलड़े मिनख ऊँ लेर

आज रे मिनख ताई रो

ओटोड़योड़ी आँच रो

मूँडं बोलतो इतिहास है ।

आँच, उकेरता जाओ

देखता जाओ

जठ-कठ

जद-कद

हवा रो फटकारो लाग्यो

जुझती जूण/८

इए आंच आपरो आपो दिखायो है

फ्रांस में

रूस में

चीन में

वियतनाम में

ई-प्रांचरो ईंधण

न-लकड़ी है

न-कोयलो

न-तेल है

न-पेट्रोल

इए आंचनै चायजै

जीवती रेण खातर-

खावण ने-मिनख

आंचनै घणो संजोरी करणिया

भंवती हवा रा भतूळिया

भमकतै-तपतै भावारा

भंडार-अखूट

एक-एक चिणगारी नै ले' र

उडावै, उछाळै

कर देवै चौगुणी

बिखेर देवै

उतराद-दिखणाद

अगूण-माथूँण

ऊपर-नोचै

आसै-पासै

कोई नईं वेंचै

न्यावड़ा में

काचा-पाका
 टूटै-फूटै
 धिर घना हाथ्या में आय
 ठोकरो-ठीकरी होय
 ठोड़ ठिकारुं जागं
 आ-आंच
 आपरो काम पूरो होयां पाछें
 सांचनै सामी ल्याए खातर
 मिनखनै प्राए देव
 तपा-तपा
 सगळानै
 सरोसा करनाखै
 फेर ऊगै
 इणी धरती पर
 एक सरोसा मिनख
 एक सरोसा बिसबास
 एक सरोसो समाज ।



चेत मानखा चेत

दिन थोळे

भांवळा

रात नै रातींदो

आंग्यां होतां सोतां पाव

पाडोती रो पराई आंग्यां म्यूं

देगलारी मजबूरो ।

जीवतो माग्यो गिट्टण रा आदेम ।

मिनगरो ओ ढरावणो रूप

तिर पर जगता गीग

सप-सपातो

सोनटो जीम

बदयोदा नू

बळ-बळतो राती-राती आंग्यां ।

देगो, धायोड पाडवो रै

हायां मे

भूम मिटावण गातर

विठ बुन्नावण गातर

पारं गेउ रो है

पा म्हारं सेठ रो

ईं वलड़ो रो है
 या बीं वलड़ो रो
 ईं रं मलं कुचलं हायां में
 गोळ मटोळ सो
 मतोरो है
 या मिनख रो माषो ।
 सुण-ठोलै रो ठरकाण
 मुक्की रो मार
 मुक्की ठोसा
 लागतां लागतां पाण
 प्राण त्याग
 आपरो आपो बिसराय
 पुरसोज सो
 घायोड़ें रं बाजोट पर
 बीज बिखरता फिरसो
 घरती माथें
 वंस रं वचाव खातर ।
 गिरी अर पाणी
 भूखै रो भूख
 तिसै रो तिस
 मिटावता हो आया है
 खुरड़ो अर खाओ
 छुरड़ो तीखै तीखै नूवां ऊं
 बटका भरो
 • लाम्बे मोटे दांतां ऊं
 गिरी पींचता जाओ
 आप-आपरी काया

सींचता जाओ सींचता जाओ
 पोवो जीवो भर मटका करो
 गुपरीहो या नीपरी
 पाणी बियां पाछे
 गिरी गटकायां पाछे
 गावणियो फेंकसी
 छळो फिरसी रेत में
 बण बायोड़ें खेत में
 भाड़गां में दांडगां में
 तिपळिया गाओ
 रात रा गेजड़ा
 खेतरा गेत उमडता देग र
 येवां री येता
 बाम्बरी होणरो दर
 दण गातर मानसा खेत
 खेत-भापरं गेत गातर
 खेत-आगरी खेत गातर
 खेत आवरे पळ गातर ।



बरियान री बारादूरी

आव,
म्हारै कन्ने आव
आपां बातां करां
धू-- धू --
धारा कपड़ा !
घोळा घक्क है ।
ठाहै, मग्नै सो दोसै ।
नैड़ो आ डर मत
म्हारै कपड़ां रो मैल
धारै कपड़ां पर नईं लागै ला
धारो जूएरी जूए हो
मेल-पुरुफ है ।
सुए एकर तूँ
हवारै सरोई खड़यो हो
फेर देख
म्हारी तावड़ै तपो ज्योड़ी देही स्यूँ
टपकतै पसीनें रो वूँदां मे
कितो सगती है
धारै ब्रोसकी रै चोळै पर
लाग्योड़ी अन्तर

म्हारें वेंवतें पमने री
 धाकभरी भभक स्यूं
 भागजा सी
 इतरी सो भेद है
 गारें अर म्हारें में
 पारा टायर घमं तेल बळें
 म्हारा पाका पग
 मारग पसं
 गुरदरी सडक री रडक काड नागें
 कार नागें सरोसी
 आ सडक
 पारें टायरां ने
 समें स्यूं पंती पाड नागें
 पण-म्हारो नागो पगबळपां री
 उमर बदे
 काटां नै-काकरा नै मगळ
 मारग री मरम गाळ नागें ।
 आव नैहो आव
 म्हारें स्यूं निमरां मिला
 म्हारें घेरें वानी देग
 पगां-उभाणीं
 म्हारो अधनागो मरीर
 मत देग
 कार स्यूं मोषो उत्तर
 पगमनी मोषदी मोत
 पगां ने गुरदरी परतो स्यूं ।
 मेळ करत दे

डर मत कालां स्यूं मत डर
आव-आपां
म्हारै गाडै सारै
सड़क पर ऊभा हो' र
एक फोटू खिचावां,
म्हारी बरियान रो वारादरो
म्हारै कच्छै रो हवामहल
आपणी फोटू में आसी
आपणो फोटू अमर होजासी ।



धरती रा ला'डेसर

मैं

हूँ तो हूँ

रोई रो रूँग

ही मैं हूँ

तोमी गूळों हाळो चंबळियो

मैं तारो टोरा नोमदो

ओपड़ मुरग रोजदो

इए धरती रो धोज

इए धरती रो जायो जनम्यो

परार्द पड़ता गढ़ा' र

भाँर

चंरुपियो बरल-बरल

भायो बिगरणो

गुहारं भागलं भाग

बिनगरो मरगो हूँ

कुदरत रो प्रेम वाबलियो मैं

बामंगला

तबकलारी गरज बीनी

जल्ती बीनी गाँव धरणी ।

आ-घणी लाम्बी चोड़ी घरती
 ओ-घणो गैरो जंगल
 ए-सोने बरणा घोरा
 फर-फर करती
 मन भावती ताजी हवा
 ओ-खुलो आकास
 अठे
 हर मोसम रो मान
 हर मोसम नै म्हारी मनवारां
 म्हे घरती रा लाडेसर
 आ-घरती म्हारी मां
 ईं रा हरया भरया खेत
 खेतां में काम करता करसा
 बांरै मैनती सरीर स्यूं
 टपकती पसोने रो
 मोती बरणी बूंदं
 आं बूंदं स्यूं
 सिंजीजती
 गरबीजती घरती
 जीवतं जीवण रो
 सांचो संजो रो
 चितराम है ।
 इणीज घरती मायें
 लुकमीचणी रमता
 सुसिया
 चोकड़ी भरता हिरणिया
 ऊंटारा टोळा

गायां मैस्यारी गोर
 तळावरी पाळ पर
 नाचता मोरिया
 "तिस्सी है-तिस्सी है"
 टींटोटी रो टेर
 "करसा तू-करसा तू"
 तीतर रो भारखी
 बागै-पासै
 दिनरया में
 टूटाता डेदरिया
 भातो स्यावतो भायबां
 हसयो सारावण जोग जूष नै रयाग
 कोटी बंगना में ऊगगिये
 रुंगाने ओखी
 गदाहीगो ।
 बांरे गामे होयती रुंगम
 रहांस्युं रतनी कोनी
 माली रा मेला हाथ
 ओ हाथी में कुजवात फतरखी
 बतरे
 बुरां
 रांगे ओ रुंगाने
 ए-रुंग खाचरो खापो गोद
 दिनरया-दरता
 बाया रो कुतराय देग
 होय रया
 कुसागगा भेदा कुसागगा

आनै पारणी देवणियाँ फव्वारामें
 मोसमरी सागी मनवार कठै
 कठै वं वाताँ जिवकी
 साँवणिये रो लोर में
 हवारै हिंडोळै
 होळै-होळै
 मुळकती-पळकती
 गरजती-गाजती
 तिरती-फिरती
 आभै में काळोकाळी
 रस रो भरी वादळ्याँ में ।
 मानखो खोय
 मिनखपणों राखणै रो
 कुचेष्टा करणियाँ रै
 धड़ तो हो सकें
 पण-माथे रो ठोड़ खाली है
 आँरै हायाँ रो हथेळ्याँ में
 अर पगाँ रो पगयळ्याँ में
 ऊगता दोसैं घणा अणता वाळ ।

□

मांयलो अमूजो

भीणो भीणो
मुम मुल सरोत
मुलायम मिनगाचारे न
वीढ़ गरोमो भीढ़ भरे सैरा में
दांग फोढ़, अफसोदिया
पतूरी अर धंयळिया रे
गामे रंगो पढगो ।
मिनगं हाळो पादर ज्य
मानगो
भाडवा ऊ भुरदीअ'र गुरदीअ'र
मिनगाक दिन मानगो
नाट्या रे लखर नाखो हं
मुलायम बटके रे
गानो गो माग हो गो ।
आंगणें सें अमूजो
पगगो पर
भग्नोः बरा'र फूळगो
पारगो मोगम
मांयनं अमूजें से
रोक मान करण

कद आडो आयो
कद आडो आसी ।
आरसी । देखएँ रो धारसी
देखसी आंगएँ रो मूँडो
नूँतसी आपरँ आपँ पर
अण गिणती रो तेढां
अर तिङ्कयोड़ी आरसी
वणसी वगत रो
मूँडे बोलतो इतिहास ।



गूंग रो घून्ट

च्चारुं मेर रे
रोळी कं
फाटो
अयोज, एदोअ'र
गूंगरो
भावती अणभावती
एक/आद घूंट
गळे तळे उतार सीनी ।
गळे तळे उतार तां पाए
गूंगरो घूंट
आपरो आपो
दिगायलो गरु कट्यो
मन में
मार्थ में भयता (कयिळी जयूं)
भायां रा भूळिया
फेगं छळ्या बन्द होण्या ।
गूंग रो अंगर होवां पारा
निगम रो सीजरी सिद्याए करए रा
दग करक गुरा
भायो आवही

काया में, उपजण लाग ग्या ।
 गूंग री गिलोयोड़ी माटी पर
 पांवडा धरता पाण
 मानखे रा चितराम
 आपो आप उघड़ता जावे
 काया रें घणै मांयले पासै
 अदीठ गढ़ गूमड़ा नै
 भांग-भांग 'र
 सरीसा कर नाखे ।
 काया में
 ओपरा अणचाइजता
 बैगड़ा रोग
 अब नईं पांग रे ।
 अड़ावें में अणचाइजती घास
 अब नईं ऊगे ।
 ऊंडी ओवरी रे
 घणै डरावणै अंधारै स्यूं
 डरपीजतो मन
 गूंग री उजास ले'र
 सैं चन्नण होसी
 बारलो भुलायां हो
 मांयलो याद आवै
 वारलै नै याद राख्यां
 मांयलो हाथ स्यूं जासी
 दोन्यां में
 एक ही हाथ आसी ।



अंग मत/आग

धान तो धान
धान से धांग नें
बकली बकलियाँ आदमगोरा
काळरूप कुमारग
पेरिया घाततो-पातता
परां में घात देवें पुगे
पात लगार्थ जीवतं जीरां नें
भूगें हिंसक गो
देगतां देगतां
गुदरायगो गूँठतां
आँखीं रा मटरगा वरगो
गिवंझतो रेंवें
गीरां ग गीरां ।
गीरां रेंवें
लोदी गो लोदी
गोदरगो शायें
दा रें हो परां में ।
(गुं दगा घाततां)
गुग-गुग नें
बरम से लिगी

अमिट लोक मान'र
 लोकलोक
 चालणियां रो
 सागो छोड
 ध्यान दे वां मिनखमार
 मक्कारां कानी
 जिवका धरम-करम रा
 भाग-भरम रा
 कुशल कारीगर है
 सुख-दुख रो
 वंटवारो
 अँ करसी न्यारो-न्यारो
 स्वारथ रा सागी वाप
 आपरे पाळे राखसी
 सुख-सुविधावां रा
 अखूट भंडार
 परायें पाळें में पाळसी
 दुख-दाळद री वाळदां ।
 मासी मोत रा लाडेसर
 भूल स्यूं बांधंडो कदताईं
 अबै तूं पाळा बदल
 ध्यावस त्याग
 ऊंग मत/जाग ।



धरती धकेल

६

दूंगर ऊँ डोगो
परतो धकेल
भोत बढो
आइगो बाजू
म्हारें स्मूँ मिलए रो तरीकीब
म्हारें ताईं पूगणें रो तरीकी
गोघो गो है ।
गातो घां वागनं
पेहो बलायें
पेमागिक बलायें
घां वागतं भौं
भागल रा पारगो
बगं धारा दुभाषिमा
पेहपां बडतां धनां
धारी वादही में
धामलिया मोग
धारें गानं होवें
धानं गोमो देव'र
झर पदलो है

में

बड़ो आदमी

मन्ने ऊंचो मुणै

मोटो दीसै

चश्मो इस्यो जिकें में

थे दीख सको

वो थाने थारै

हाथां में राखणो है

च्यारूमेर पेड़चां लगा'र

छातो ताईं पूगणो है

कान रै सरोदे ताईं

ऊंचो आवणो है

पण- थे

कीड़ी सा गुरळाता

चीड़ी ज्यूं चूंचाता

भेड वकरियां ज्यूं

मिमियाता

कोमल बाणो में/कंवळें शब्दा स्यूं

घात करण री भूल मत करज्यो

घणासारा मिल

मोकळा रोळा मचावो

घणामिल'र मोटी

देह धारण करो

षणी सारी आवाजां नं मिला'र

मोटो आवाज करो

पेड़चां लगा'र

आपरो कद बढ़ाओ

जूमती जूण/२८

भोंपू लगा'र आपरी
 आवाज नें तो गुणी करो
 दुभापिया सागें राखो
 फेरुं भी
 मन्नें दीयां लागे-जाएँ
 मिलणी सोरो बठे
 बहे री बहो चोपाळ पर
 पाळगुवारीं फतार
 धारी योनी री
 आपरी या ओपरी
 भाषा री
 पारें बद्ध री पारें काम री
 पारें मानस री
 परग तो कर ही तेयो
 धर की जोगा हो तो भी
 धारी गुणी अणगुणी
 करण री
 देवी अभिचार तो
 जन्म-जन्म ह्यूँ
 मारें मन्नें टाखी है
 बिनी,
 मैं धारी है
 ये मारा हो
 मैं धानें ये मन्नें जाणो
 ये हो ब्याणा धर मैं हो ब्याणो
 होयें की ब्याण ब्याण तो
 मोनों धारी धर ब्याणो

□

गुवाड़ रो जायो

गुवाड़ रो जायो
कीनै बाप कै'र पुकारसी
आँखियाँ खोलै थड़ी करै
जियाँ कियाँ चालणो चावै
गुवाड़ ऊँ घर
घर स्यूँ सागी घर ताई
पूगणै रा मारग पागड़ी रै पेचाँ दाई
घणा घुमावदार है ।
मारग में बिड़द बाँचणियाँ
जच्चै जठै लाधै
तुरता-फुरत
याद दिलावै
आपरी, आपरै बाप रो
आपरै खानदान री ।
पाँवडै दो पाँवडै रो पेंडो
कोसों लाम्बो कर नाखै ।
साँच नै भूठ में
बदलताँ कितरीक ताळ लागै
जलेबी भाँत गळ्याँ रै
गूंगँ झालाँ नै
कुणसो समझै
घिरै फिरै लाधै
सागी ठोड़ □

होकड़ा उतार

सोरा गुगी बसलिया रोर
पारो मोळी-मोळो सांगां में
मागे जाणें घोड्योडो होवें
फेवदो बर गुमार
बळतो-बळतो आं सूर्या में
थारो मांयलो मोमम टंटो टोप
चानती रेंवें टंडी टंडी होन
जाणें पेट में
फूलर फिट फरायोडो होवें ।
बटोनें म्हारें पासं
पसीने में न्हावती देह
इण देही म्युं
भट्टी नै लजावण हाळी
लान लान लपेटां
आसं पासं धुंवो धुंवागो ।
आं सांगां में गरम-गरम
भाप तो है
फुड्यारा कटें ।
मांयलें पासं
खदबदोजती हांडी

कुण जाणै कद कुण
 उघाड़दो ईं री ढकणी ।
 करदी लूवां नै चोफाळियां
 आव आपां आपणै मोसम री
 बदला बदली करा
 मितर वणा ।
 म्हारै जिसै लोगां री
 मायलो अर बारलो मोसम
 एक सरीसो होज होवै
 गरमी में गरम
 सरदी में ठंडो
 था लोगां री मायलो मोसम
 बारलै मोसम स्पू
 मँळ कोनो राखै
 थे इण वास्तै
 गरमी में ठंडे अर
 सरदी में गरम मोसम रा
 मोताज रैवोला
 छोड़ दोगलो पणो
 चेरा मत ओढ़ ।
 उतार धार! होकड़ा
 चालणो है, तो / होजा म्हारै साणै ।



चौफेर

चौफेर
च्यारूमेर
बठोनें
बठोनें
जठे देखो बठे
टेंट
टेंट हो टेंट ।
लोगड़ा
टेंटी ज्योड़ा लागे ।
सुणी है
मरकार
कोई ब्हाने
ओल्हे छाने
आंरा
टेंटवा
दवाण लागरी है । □

सीख

आओ, आपां
बड़ा बादनी बगुां
मै धारा कपड़ा उतारुं
ये म्हारा कपड़ा उतारो
मै, धारा कपड़ा उतार'र धानं
लैचनै जानए बिठालं
ये न्हारा कपड़ा उतार'र
मल्लै, नोचं उतार द्यो
ढरोमठ
आपणो देस
नागां रो देस हूँ
एक लगोटो म्हात्मा
नागा मिनय देवता ।



टिछो

कुण जाणें
कद कुण
मिनसा जूण नें
ऊंचलो टेकरो स्पूँ टिछो दियो ।
टिछो लागताईं
मानसो दहो दाईं
गुड़तो-रुड़तो गुलेचो ग्यावतो
आवतो जायें
ऊपर ऊं नीचलो ठोड़
पण जिकको पगां पांण
आपरो हिम्मत रें तांण
मारग रें भाटा ठिठां ऊं
भवभेहो साय
अहं, लहं, अटकें
चाल पड़ें सामो सामनो करणन
ऊंचलो ऊंचाईं कानी
जाय वंठें टेकरो री छाती माथें
गीतां नें गुंजाणन
अळगोजा वजाण नें ।



लोकराज

लोकराज

तू गाज्यो घणो

पण वरस्यो कोनी

जद-जद वरसो लाय वरसो

ओळा वरस्या

रोळा वरस्या

अण गिणतो रा वोळा वरस्या ।

लाम्बै-लाम्बै हाथां में

लाम्बै-लाम्बै वांसां पर

भांसा छरडा बांध'र

ऊंचं स्पूँ ऊंचं किनखे नं

ऊपर को ऊपर ही

किणियां में उलभाणियां

ओछें मोछें

बावनिये वचकानिये रं

तो तरणी हो हाय को आण दोनो

बागां रा फूल फूसका वणग्या

काचो कूंपळ, अघ खिली कळो

कोई तरमं पात नं अर कोई तरसं फूल नं ।



मोसमी कूकड़ा

दोलही जोभ
जेरीली सांस
मापें में ग्यान री गूमड़ी
पेरवां रें पोरां पर
कण्पोड़ा भरुंटिया
बांस में अणत
कास में कुबाण
इसड़ें गुणालं
घड़ीज जड़ीज
मिनस री मांदगी रो
इलाज करणियां
आपां रें साथें रस्सं यस्सं ।
कदं कदास आसं पासं
मोसमी कूकड़ा बण
दिस री बोध करावण सातर
कुरड़ी माथं गुरडा खोतरतां
मेलो कुचरतां
घणकरीक वार इणी भांत
जूण पूरो करतां करतां
टेम री नेम भूल'र बांग दे नाखं
सूंवीं सिइया, आधी रात
पो फाटण री कुणसी बात ।

□

थड़ी करो

जीएँ रो अरथ
बलनो बलनो है
तो मोमबत्ती घण
अगरबत्ती ज्यूँ होमीज ज्या ।
पण फिड़कलै ज्यूँ
अनमोल जीव रा
पुरचा मत उडा
जीव बलघां
जीवती चामड़ी बलघां
मुरड़ांद आसी
जी मिचलासी ।
मूँज बलै पण बंट रै जासी
जनम-जात स्वभाव स्यूँ
लार नई छूटे ।
मिनख जूए मिली है
पग लेवो अर पा पा
चालणो सीखो
गोदी ऊँ उतरो, थड़ी करो
लोगाँ रा कांधा मत तक्को ।
पराई आंगळी पकड़'र

कित्तीक दूर चालणो चावो
आंगळी रं सरोदं चालणिया
दिसा भटकसो ।
घोरां रो धूळ नरम
पसरं, घिसकं
घिसकतो घिसकतो
माथे नं आजावं लो ।



ओ कुरा

ओ कुरा ?

आदमी है ।

आदमी- !— ?

आदमी नईं मिनख है ।

मिनख नईं आदमी है ।

नईं ... ओ कवि है ।

ढूँढ़ो अठं तो लाधं वठं ।

देखं अठं तो सोचं वठं

घणं लखणा रो लाडो है ।

सूरमे है

ईं नै आगली पाछली

सगळी दोसं ।

लारलें जनम ऊं लेर

आगलें जनम ताईं रो

हिसाब किताब जाएं

ओ परख पारखी

लोगां नै

कपड़ा में नागा

नागां नै कपड़ां में देख लं

ओ पताळ फोड़ कूवां रो

पताळ रो पत्तो लगा लें
 ओ आजासां जहुं
 इणरें आगं सिकरा सरमावें
 किरत्यां कीर्तन करण लाग जावें
 सूरज स्यूं सोनो उगळ्यावें
 चान्द स्यूं चांदी बरसावें
 ओ तावडें द्रियां रो पारखी
 मे आंधो रो संधो
 तूफाना नें तो सणियो
 मोठो तारो बोलणियो
 आगे चाले पैल्यो बोलें
 पांगळो दुनियां रा पग
 आंधी दुनियां रो आंग
 गूंगो दुनियां रो वाणो
 ओ सुंदर भावां रो उपजाणियो
 घरतो नें सुरग वणाणियो
 हिम्मत रो सेंण
 सगळां रो सेंण
 पण.....घण करीक वार
 पतभड में भडें पत्ती ज्यूं
 खाय हवारा थपेडा
 कदं गळो कूचळा में
 तो कदं रोई रुखडां में
 रुळतो फिरें
 दव घरतो तळे
 जुरण पूरो करे
 इणरो मांस तो खाकाहारी हो खावें
 इणरो कंकाळ
 काळ में डोका चरतो फिरें । □

आपैरी अपणास

लाखाँ वरसाँ रं
लाम्बे समय रो
लाम्बो तांत पर पिनीज'र
समं रे जूने नुवें चरखं कतीज'र
झकड़ी अटेरणी चढ़ी
अर डोरो वणो ।
स्याणा । सुआँवा
झकड़ियाँ नै सुळभाणरी चेष्टा में
उळभाता चल्या गया ।
झकड़िया, इस्या उळइया कं
सिरो छूट ग्यो
खीचड़ी इसी पको कं
गिठला पड़ग्या
इकाई रो सिरो छूटग्यो
सिरे स्यूँ सिरो रूस ग्यो
आज ठोड़ ठोड़ सिर उठायोड़ा
सिराही सिरा है
आँ अरवाँ सिराँ पर
अपैरी अपणास बिसरीज गो
समं रो गोद

वा । पैलड़ी जोड़ी
 वं । लोग लुगाई
 समें री चाकी में दळीजता विसीजवा
 लूँठ हाथी चूरमें ज्यूं चुरीजता
 जलमता, मरता
 पोढ़ी आगली पोढ़ी ऊं
 जुडता आज
 म्है थे थे म्है हो गया ।
 तीन अरब साठ किरोड़
 सत्तर लाख चौरासो हजार
 च्यार सो दोसरो लाम्बी कतार
 अर इण कतार रें परलें पार
 सिरे पर ऊभा लोग दीसैं कोनी
 घणैं घणैं बरसां स्यूं
 बरसतो जमती धूळ
 धूळरी जमती पड़तां में
 दबीजतो आवे रो अपणास
 घुंधळातो जावें ।
 आव सिरे रें ईं किनारे स्यूं
 सिरे रें वीं किनारे ताईं चालां
 वोलां बतळावां
 मन माथो काम में ल्यावां
 अरवां रो आंकड़ो छोड़'र
 किरोड़ां रो पंगत में आवां
 किरोड़ा स्यूं लाखां में
 लाखां स्यूं हजारों में
 हजारों स्यूं सैंकड़ां में

अजै जूझराणो पड़सो

थारी सगती रो तोड़
म्हारै सोचणै बिचारणै में
सदा स्यूं पांगरतो द्यो है ।
थारी असलियत नै नागो कर'द
नुककड़ पर नाख 'र तन्नै
हांडो हत्तो करणो हो
म्हारो करम अर धरम ।
थारा सोनै रा संपळोटिया
थारी चांदो रो चमचेड़ां
अर थारै घापरै धक्का ऊं
म्हारी जूझती जूण सदा स्यूं
लड़ती आई है लड़ती रैसो ।
याद है नौं...—
म्है कमाया करता अर ये खाया करता
खाता रिया-खाता रिया
गुर-रावता रिया
थारो गुर-रावणो तोरी चढ़ावणो
थारो अकारण रूस ज्यावणो
म्हारी मोत रो फरमान होया करतो
ये मारत रिया, म्हे मरता रिया

मुट्टी भर घान स्यूं नई विलमै
मिनखपरणै रो पोरेदार
म्हारो ओ टिट्टी दळ
आज नईं तो काल
थारो खेत खासी, आपरो हक जतासी
मिनख-मिनख में भेद मिटावण
अजै क्रांति आसी ।

□

तू तो सड़कां माथे सूँ
धन्नो गायां घर में दूँ
पल-पल माया कानो लूँ
दूँटो रखगो म्हारं कूँ
म्हारा लाडला ।

धीरज-धरती रो जद वूँ
इणरो काया आज अमूर्ज
सीयां मरतो डोकर धूँ
आँखियाँ होवें तो कीं सूँ
म्हारा लाडला ।

□

काचरो है- कातरो- रे
 ध्यान राख घात रो
 फाड़ देवें दूध ओ तो
 आदमी री जात रो
 थोड़ो घणो मोल करे
 सामलै री लात रो
 वाजरी रा सिट्टा कोनी
 सांप लां रा फण है । सूनें-सूनें.....

धोळो-धोळी घातां विचवें
 काळा - काळा तिल है ।
 काळजै री ठीड़ आरें
 खाटू हाळो सिल है ।
 सेरां हाली धरती माथै
 सांपलां रा विल है ।
 कीड़ो नें तो कण कोनी
 हाथोढ़ां नें भण है ।
 कामधेनु कोनी ईरा
 खाली - खाली थण है । सूनें-सूनें.....



भरुटिया

बादमा रे बादमी भरुटिया नरे ।
 चुंठ लेवं चामड़ी चरुटिया नरे ॥
 लींच लेवं खालड़ी नरुटिया नरे ।
 म्हारं म्हारा बादनी नरुटिया नरे ॥
 लान्छो नानखो दो चालने नरे ।
 डाचो-काचो धुंछो मे जालो नरे ॥
 कचड़े धुं जालो अकुरुछो नरे ॥
 आनरो उदर धुं कालो नरे ॥
 गानो देव माल धुं चंगुल नरे ॥
 धुंका रे देव नले जाल धुं नरे ॥
 होये नाल जाल जिलो माल धुं नरे ।
 जाला नले जालो मे कालो नरे ॥
 हो जालो जाल जिलो नालो नरे ।
 जाले मे जालो जिलो नालो नरे ॥
 जालो-जालो नरे जालो नरे ।
 जाले मे जालो नरे कालो नरे ॥
 जाले मे जालो नरे कालो नरे ॥
 जालो मे जालो नरे कालो नरे ॥
 जालो मे जालो नरे कालो नरे ॥
 जालो मे जालो नरे कालो नरे ॥
 जालो मे जालो नरे कालो नरे ॥
 जालो मे जालो नरे कालो नरे ॥
 जालो मे जालो नरे कालो नरे ॥

तामझामसा

तामझामसा - तामझामसा ।
सांची-सांची कंवां जद लागें डाम सा ॥
गिरतां-पड़तां-आखड़तां री
दुनियां किसी न्यारी है
घायोड़ा नै धिगाएँ ही
पुरसए री क्यूँ धारी है ।
ऊँची हेली रैवणियां रा ऊँचा दाम सा
तामझामसा

मिनखाचारो लोरो - लोरो
कुणसो ईनै सोम सो
सगगी रांडां रोती रैसो
पावणां तो जोम सो
ताळियां रा तमासा देखो बिना दाम सा
तामझामसा

माणसिया गटकावें
टावर गळियां में गरळावें है
परजा तंतर आछो मंतर
लांठोड़ा भरळावें है
मिनखां नै मरावणियां में थारो नाम सा
तामझामसा

फुट पाथां रा फोड़ा, देखो
 गांधी जी रँ देस में
 सुख रा सपनां देख्यां राखो
 भरोसां रँ भेस में
 मंगतां री कत्तारां लाधे सरै धाम सा
 तामझामसा ।

ओसर चूक्यां गावणियां तो
 ऊंदा-सूंदा गावैला
 मोको दियां डाकीड़ां नै
 डांगर ज्यूं गटकावैला
 लूटो खोसो खावो किसी रोक धाम सा
 तामझामसा ।

सूनें-सूनें चैरां माधे
 ऊता-ऊता आखर है
 माटो मूंडे बोलण लागी
 सामी छाती टाकर है
 वत्तीसी दिखावणियां में कठुं राम सा
 तामझामसा ।

म्हारा नेता झूठा झांसा
 देणो आंरो काम है
 पापो-पैणा-जीवन लेणा
 लेणें में बदनाम है
 लोगां नै वणाणो आंरो पैलो काम सा
 तामझामसा ।

आया जिवका अम्मर कोनी
 जाम्या जिवका आवेला
 आकासां में उडणियां तो
 घरती माथं आवेला
 आसूड़ा दळकावं देखो मुखो राम सा
 तामभामसा ।

घर घोस्यां रा वळसो
 पण के ऊंदरिया मुख पावेला
 आं लखणां रा ताडा वावू
 गट्टा गोळीं खायेला
 चमचा चमचो करसी आंरा चक्का जाम सा
 तामभामसा ।



बैठो बैठो बोली यूं

एक कमेड़ी टूटी मेड़ी
बैठो आलै बचियां नेड़ी
बैठो बैठो बोली यूं
मनरो चादर मैलो क्यों ?
वासो बातों रो फुलवारो
आक बबूला क्यारी क्यारी
साभी पोड़ा थारो म्हारो

चुबसीं कांटा । वोवें क्यूं
होसो पोड़ा । रोवें क्यूं

छान भूंपड़ीं रो रुखवाळी
काळ बैठ ग्यो डाळी डाळी
लाड लडाया भीत रुखाळी

आ-अण होणी होवें क्यूं ।
लोरो देतां रोवें क्यूं ।

सूनें पणरो सांस सुणी जे
लागी फांस रो दरद गुणी जे
भळं उद्यङजा सदा वुणी जे

राख रो रोटी पोवें क्यूं
जग जागं तूं सोवें क्यूं



हम्मै कँवो किर किर आई

गाय व्याई वाच्छो त्याई
घोळे रग रो आच्छो त्याई
दूध मळाई जीमो भाई
खोर पकाई सगळां खाई
सगळां खा'र सराई भाई
हम्मै कँवो किर किर आई
राम दुहाई । राम दुहाई ॥

आजादो रो आंधो आई
काळो पोळो मोसम लाई
दुखडो दूर भगावण आई
जोवण सार बत्तावण आई
मिटं गरोवो सुण ल्यो भाई
चेतो भूख घसी रे भाई
हम्मै कँवो किर किर आई ।
राम दुहाई । राम दुहाई ॥

नाचण लाग्या लोग चुगाई
भाई खा'र भतोजां खाई
ठंडं ठार नतोजां खाई
म्हारं हाथ कदं नई आई

बुन्तो बुण/६०

चमचा चमची सगळां खाई
 रोवं दूजा लोग लुगाई
 आफत आगी बिना बुलाई
 हमे कैवो किर किस आई ।
 राम दुहाई । राम दुहाई ॥

मिनखा जूए सरण में आवे
 वींरो बेड़ो पार लगावे
 करे चूरमा खोर पकावे
 घर'वैठ्या वे मोज मनावे
 आक में आम घणा उपजावे
 बिना बादली मे बरसावे
 भूँठे भांसा पेट भरावे
 मिटे भूख भूखो मिट जावे
 घाया थारी छाछ राबड़ी
 कुत्तां लार छुडा म्हारी माई ।
 राम दुहाई । राम दुहाई ॥



सुल सुलियो

सुळ सुळियो पङ्गयो म्हारा बापू
घरकें मुठ्ठी धान में
मिनखजूण जद घास चरंली
रेत रळंली मान में ॥

हलगो नोवां थारं घर रो
थोथ बापरी ठोड़ा ठोड़
पडें कांगरा घरतो माथें
काची कूंपळ तोड मरोड
अण चाइजती घास ऊगसी
घुणियो लाग्यो धान में ॥

धान धिणापो पङ्गयो पासं
धींगा मस्तो छाई है ।
मिनख मिनख रो वेंरी बणग्यो
आछी आफत आई है ।
मिनख मोत रो वाट तकें जद
माटो पडसी मान में ॥

जुग सतरंगी शतरंज माथें
म्हे विद्धियोड़ा मोरा हां
नाल चालणी कोनी आवें
पणा मना में दोरा हां

पंदल मात अताड़ी हाथां
रेत रळलो श्यान में ॥

फिरं टसकता भूखां मरता
माटी हाळा जीवरे
जोवन विकतो फिरं वजारां
मिनख पर्ण री सींव रे .
"लाजी" लाज मरं जिण घरती
माटी पड़सो मान में ॥



बाड़ खेत नै खावै हैं

म्हे आंख्यां देखी लोगो रे
आ बाड़ खेत नै खावै है
काचरियां कंवळा कंवळा नै
टोंडसड़ी अर फोफळियां नै ॥
अण छोल्या ही गट कावै है ।
आ/तूंत काळ नै ल्यावै है ॥
तिल तार करे कोनो अठ्ठे
वैलां में ककू पड़ी बठ्ठे
काचरिया किचर किचर मर ग्या
सिट्टां रो नाड़ कटे अठ्ठे
आ—मोठ बाजरो फळियां नै
चुगयोड़ा भावै अळियां नै
आ—सगळा नै गटकावै है
आ—तूंत काळ नै ल्यावै है ॥
ए मोटे माथे रा मतोर
मोटे नंणां में भर्यां नोर
कंवळे गातां में सूळ सूळ
घिरकार जनम सै धूळ धूळ
छोट मोटे रो आण कठे
टक्क पड़ी सै विकै अठे

आ-सगलां नै गट कावै है
आ-तूंत काल नै ल्यावै है ॥

ए डर्या बापड़ा तूंतड़िया
चींचाट करो बर आपड़िया
डोकांरो डोळ डांखळां रो
उड आय वाड़में जा पड़िया
आ-खेतां खेत डकारै है
आ-जोव जलमता मारै है
आ-सूतां नै मटकावै है
आ-तूंत काळ नै ल्यावै है
म्हे आख्या देखी लोगो रे
आ-वाड़ खेत नै खावै है ।



अन्तस उठ बोल्ह्यो

पागल, नीच, दुष्ट अर पापी
क्यूं दिन धोळे कर लेवें घाड़ो ?
माणस रो अन्तस उठ बोल्ह्यो—
इण काया रो भोजन भाड़ो ।

मिनखां री टोळी री टोळी
आज फिरें वा बळखाती
बिना तार तम्बूरें री
हालत ना छुपी रेंवें साथी

सुख रो सपनो जीवन में
देखण रो करं घणी आसा
जीवन-रूपो चोपड़ उलटी
उलट गया सगळा पासा

मात-पिता क्यूं सोस भुका दे—
टावरिया जद कर लेवें आड़ो
माणस रो अन्तस उठ बोल्ह्यो
इण काया रो भोजन भाड़ो ।

जद-खेत पकें दुख-दाखां रा
मिनखां री स्थान गमावण नें
पग पड़ें पांगळा घरती पर

पुरखां रो लाज वचावण न
आख्यां स्यूं ढळता आंसूडा
क्यूं मन में आग लगा जावे
वण घणी भोख रो रोटो रो
माणस क्यूं दाग लगा जावे
खावण में दाखां घणी भली
पण माणस दिन पर दिन माडो ।

पागल, नीच, दुष्ट अर पापी
क्यूं दिन घोळ कर लेवे घाडो
माणस रो अन्तस उठ बोल्यो
इण काया रो भोजय भाडो ।



सप्पमपाट

आरे म्हारा वेली सप्पम-पाट
में तन्नै चाटूं तूं मन्नै चाट
वी दिन रो में जोऊं वाट
दिन उगसी वीतलो रात

छपनै सिरसो समय त्रितावां
ठाठ-वाट रा ढोंग रचावां
गुण आजादो रा लुळ-लुळ गावां
विना तेल म्हे दियो जगावां
अधियारें नै मार भगावां
म्हे म्हारें दिवले रो जोत जगावां
वीं दिन रो में जोऊं वाट
तेल ना वातो थारो हाट ।

आजादो रा आक चवावां
सारें नै मोठो कर खावां
छाज चालणो नां रळकावां
अण चुणियो अळियो ही खावां
कावा, कासो भाज'र जावां
कदरो ऊभो जोऊं वाट
कद फूटेली थारो माट
वीं दिन रो में जोऊं वाट ।

इण जीवत में सुख-दुख बांटा
 एक में फुलड़ा दूजे कांटा ;
 सुख सावण रा कदे ना छांटा
 पग-पग कांटा, घर-घर फांटा
 वेल तरसगी सरवर घाट ।
 सुण म्हारा वेलो सप्पम-पाट ॥
 पोड़ा पळो सुखां रं लारै
 सुख पळसी पोड़ा रं पाण
 मन मत मार मरे लो जीवन
 जावेलो अव थारो कारण
 कठे आजदी- कद वा लाघी
 छोड पुराणी वाण कुवाण
 वात दूकगी हाणो-हाण
 बीं दिन री में जोऊं वाट ।
 दिन उगसी बीतली रात



बीज बाँझो

नित/मरे/अठे/जलमे कोनी

रे-बीज बाँझो रेवलो
ओ-पीड़ अणुती देवलो ॥

इए भीड़ भरी घरती माथें
माथें स्यूं माथा भिड़योड़ा
ए छोटीड़ा ए मोटीड़ा
सगळा रा सगळा अड़योड़ा
लागे ज्यूं माहो मेळें में
नागोरी बेल भिड़कयोड़ा ॥

कुण जाणें किन्नं आवं है
जद देखो आवं जावं है
दे सींग घरा पर दे मारे
जं पोचोड़ो कन्नं आवं ॥

घणा घूमता दो से परण
तोल्यां स्यूं हळका पड़ जासी
वातां पर वातां मारणियां
वोल्यां स्यूं पतळा पड़ जासी
ए-मिनख रूप ने लाजणिया
आपं स्यूं आगे भाजणिया
ए-बम-वारूद वणावणिया
ए-चंद्र लोक में जावणिया
कद-पशु परणं स्यूं लाजैला
कद-मिनख रूप में साजैला ॥

□

आजादी

कुण घाने मिनख बतावे लो ।

कुण घाने लाड लडावे लो ॥

ये गिरता पड़ता आखड़ता

निठ नंड़े सी आ लाग्या हो ।

“साल्यो पोत्यो मोज करो”

न लेकर ये क्यूं भाग्या हो ॥

पशुवां रो आछो पशुपणो

कद पशुपणं नै लाजै है ।

मिनख, मिनख रो छोड

मिनख, तो मिनखपणं स्पूं भाजै है ॥

हो घोरज रा थे घणो घणा

पण धारं दुख नै कूण हरं ।

अड़ो, लड़ो जूझो दुख स्पूं

कुण कायर पारो नाम धरं ॥

मूरज रो तेज पड़ं फीको

बायर यो सोग मनावे लो ।

आत मोच नं आंच जठे

तो हाम - हाथ नं खावे सो ॥

दिन धोळें घाड़ मानवी री

धन - मान लूटणें में लागी ।

सं-फाळ चुकग्या दोसैं है

म्हे देखर्ग्या भागा भागी ॥

मत धोळ फूलिया वणो घणा

धोळें पर दाग घणो आवैं ।

कद मेल कटें मन मैलां रो

सावण में भाग घणो आवैं ॥

कुरयानो रो वलिदानां रो

कुण मोल चुकाणो चावैं है ।

आयो है धिरतो बायर यो

थामो, तो थमसो' जावैं है ॥

वाळक सो भोळें टायर सो

आजाद देस री आजादो

आ सोरी सो कोनी ल्हाघो ॥



दुख री लागी दूरा

फळसं ऊभी हूण
बचाओ म्हारा बीरा रे
दुरा री लागी दूरा
बचाओ म्हारा बीरा रे
सुघरें कंयां जूण
बताओ म्हारा बीरा रे ॥

घरम करम री पोय्यां बांचत
बीत गया जुग चार
मनत नै मुळतातां देखी
इण रा रंग हजार
धे समं सारू भूण घुमाओ
म्हारा बीरा रे
साघोडां रा मूण मनावो
म्हारा बीरा रे ॥

भूषडल्यां री रात बीतली
पूरव होतो ताल
देग पसोनों दाळद दीडें
बाज नईं तो काल
पारं पर री बदळं रूप- कमाओ
म्हारा बीरा रे

सुधरै धारी जूण- कमाओ
म्हारा बीरा रे ॥

कुचमादी काचरिये गुण रा
गुण हीणा नर - नार
लट-कातर सो करणी हाळा
जीवैला दिन चार
आरी वेगी आवे हूण- वताओ
म्हारा बीरा रे
रोकै अठ्ठे कूण- वताओ
म्हारा बीरा रे

मिनख मिनख री वाता न्यारी
एक मिनख रो मोल
प्यार प्रेम स्यूं दोलणियां नं
लेवां होरां तोल
थारं सुख रो लागे दूण- वताओ
म्हारा बीरा रे
सुधरै धारी जूण- कमाओ
म्हारा बीरा रे ॥

□

धमलै रा फूल

बो-धमलै रा फूल' फूल' तू'
मत कर इतरो भूल
आज नै आज सिवर जै-रे
अघोरा घोरज घर जै-रे ॥

मे आंगी रा नाय थपड़ा
लूवा लाय तपी देही
भंवर' भतूळा फिरै भटकता
मान हाण ना तज देई
तू' सोन रो सोदो कर जै-रे
तू' लिपळो स्यूं मत डर जै-रे ॥

चार बो फैंरो घणा रुंसड़ा
गुण'कुण सार करे बांरो
पासो पोस फळां लदियोडा
जगती बात करे बांरो
तू' फळ दे बात बिसर जै-रे
तू' काळो रात बिसर जै-रे ॥

पल दो पल रो जूण जेवढो
भए गिएतो रा बांटा है
फूल फूल रें जावें पासं

छोटा मोटा कांटा है
 तूँ अमर रा आखर भए जै-रे
 तूँ कांटां स्यूँ ना डर जै-रे
 वरगद हाळी छाँव सरपणी
 काचो कूँपळ नै डसलं
 इसँ रुँखडां रो रुँगस नै
 खेल खेल में तूँ लख लं
 तूँ आँरो साथ विसर जै-रे
 तूँ वए वए लाय पसर जै-रे ॥
 माँ धरती रा सुमन लाडला
 जोगी जाग जुगत कर लं
 साँप सळीटा अजगर ढीठा
 पकड़ मूँड को बस कस लं
 तूँ बिसरा गुटका पो जै-रे-
 आ-काया आप रसी जै-रे
 ओ घम लेरा फूल'फूल तूँ
 मतकर इतरो भूल
 आज नै आज सिवर जै-रे
 अघोरा धोरज घर जै-रे ॥

□

सांवरयेरी सारंगी

सांवरयेरी सारंगी

तूँ सत् रंगी तूँ बदरंगी

कठे तो बाजें पांय पेंजणी

कठे तूँ साधे अध नंगी ॥

सुर साध्यां सुध सधे साध्वी

सुर रो सावण सरसे सो

मिनस मानस मोती निपजें

रिमझिम मेहूलो वरसे तो

रुस्यां राज मिलेला कोनी

मिनस जूण रो हे तंगी-सांवरयेरी सारंगी

पा-पा-पगल्यां घर कूचां

मुळकाय घेठगी महलां में

लें नूक वनूक बलाप लियां

मल्हारी गातो ताना में

कठे बिलम्बतें अंगणियें

पध बणी छरीनी छाना में

कठे तो रोटी राग रोवली

राग टूट गो ताना में ।

कठे तूँ बोडें ताल दुनाला

कठे ना-तापें दह-आंगी-सांवरयेरी सारंगी ॥ □

रब राखै सो रैसो राम

रब राखै सो रैसो राम
चिड़ो चिड़ो जद चूँच खोलसी
मन माली तो कैसो राम
रब राखै सो रैसो राम ॥

सूखै तरवर एक डाल पर
सरवर सूखै सूनी पाळ पर
बिलखै बचिया ध्यान काळ पर
खैवण हारो खेसी राम ॥

पापी पल रै पाप कार एँ
सदियाँ सोग मनावैली रे
जूए अकारथ जावै ली ?
म्हारै गीत री गीता गूँजै
मैं केस्यूँ सँ सुए सो राम ॥

मानव मन इतिहास परख
आ-वात हाथ स्यूँ जवैली
रे चिड़ो वान नै खावै ली
म्हारै गीत-गूँज रे साथे
मैं केस्यूँ सँ सुएसो राम ॥
याठ बिसर गयो एक बटो हो

बापरें खेत रो डोंडो खोई
 पुरसो पाळो खा ग्यो कोई
 में केसूँ कुण सैंसी राम ॥
 मन में गैरी एक ठौर पर
 एक मोरियो नाचें डोर पर
 आखर मण्ड ग्या ठौर ठौर पर
 वो-देसो-नूँ लेसी राम ॥

□

जोख्यूं लख अनेक

जीव-जीव तो एक
जीव नै जोख्यूं लख अनेक
जीव तन्नै जीणो पड़सो रे
काया थारो लीर - लीर
तन्नै सीणो पड़सो रे ॥

ऊंडो आंच तपो काया नै
सूंगी हाट बिकाणो है
इखरी बिखरी इण बसती रो
कुणसो ठोड़ ठिकाणो है
कुण आंकं लो मोल तोल
थारो हीणो पड़सो रे ॥

तूम्बा-बेल फळी घरती पर
खार घोळ दी खेतां में
थोर थरपदो पग डांडो पर
भरम घुळं लो हेतां में
और हवा में जंर घोळ
तन्नै पीणो पड़सो रे ॥

हीणो हाण जलम दुखियारो
घास वणं अर लोग चरं
जीणो जिरारं हाथ नईं बस
जलम एक सौ बार मरं
गंकर अर सुकरात वण्यां
विष पीणो पड़सो रे
जीव तन्नं जीणो पड़सो रे ॥



नूवां अरथ

आँख देख अणजाण
ताकड़ी इतरी राखँ काण
जोभ री उतरी-उतरी पाण
मिनख रँ पेट पळं कुवाण
हिवड़े पनपँ हेत मिनख मन जोयो कोनी रे
मनरो गरव गुमान मानखा घोयो कोनी रे
भान तन्नं होयो कोनी रे ॥

बोलै बोल अजाण
ज्ञान रा टुकड़ा जोड़ मती
जूनी जाण पिछाण
दरद रो धीरज तोड़ मती
भाग, भरम, भगवान
पुराणी थांरी बाण कुवाण
विगड़ग्यो विरमा जो रो घाण
भान तन्नं होयो कोनी रे
मिनखपणँ रो बीज धरा पर बोयो कोनी रे ॥

बोदी जूण जुगां भुगत्योड़ी
बासो बोल विसरणा है
ना धरती रो बीज बांझो
नूवां अरथ निसरणा है

हाट हियं रो खोल अंगुत्तो
 विपदावां मत तोल
 दरद नै दे संजोरा बोल
 मिनस-मन घोयो कोनो रे
 हियडं पनपं हेत मिनस-मन जोयो कोनो रे

आं हंखां पर पांस पंखेरू
 कुरळावें ना मुरळावें
 भोतर मार भरोसां दीनी
 चिरळावें ना गरळावें
 मिनस नास दे हाण
 लोय में कुणसो फूकें प्राण
 बगत नै भोग्यां आवें ताण

श्याम तन्नं होयो कोनो रे
 हियडं पनपं हेत मिनस-मन जोयो कोनो रे ॥



जीमो बेटा रात अंधारी

मामं रं व्या में मां पुरसारी
दोन्यूं हाधा में पंचघारो
पुरसण हारो माऊ धारो
जीमो बेटा रात अंधारी ॥

रात अंधारी काळो - काळो
धे हो मालिक धे हो माळी
छांगो डाळा तोड़ो डाळी
सूतो दोसै वाग रो माळी

घर सूनो कुण करे रुखाळो
चुगल्यो फुलड़ा तोड़ो डाळी
सगळा साळा सगळी साळी
कुणसो देवें थाने गाली

दे दे सीख सदा में हारो
जीमो बेटा रात अंधारी ॥

लारं हाळी वात विसारो
सूंतो माया सगळो थारो
कुण जाणें कद आवें वारो
भाडो, पूछो फेर वुवारो
हम्मं जोमो थारो वारो
धाळी पुरस दी न्यारी-न्यारो

दे दे सोख सदा में हारी
जोमो वेटा रात अंधारी ॥



मन रो मान सरोवर

मन रै मान सरोवर मांही
बैठ्यो हंसो पांख पसार
मोती चुगस्या इमरत पो स्या
इए आसा नै मन में धार ॥
बिगत बिसारी अवरी सारो
वात घ्यान ले आयो यार
नाव न्याय रो बूबण लागो
मिनस जूए स्पूँ लोप्यो प्यार
छोटो छोटो मच्छल्या लारं
मोटा मोटा माणसमार
अरं बचाल्यो अरं बचाल्यो
धारो म्हारो भेद बिसार
नाव बूबियां सै बूबांला
बूबां ला भै काळो धार
सुख सचं कद घरा धिराणी
इए रो माया अपरम पार ॥



मन-मधुरी

विरागि विरगि नहि लज्जा
तेरुं दूरी दूरी दूर
कल-वन्द्य बल के सुन्दर बगल
नद नहि बोलि कर सुख ।

नन नहि नहि नहि नहि
दूरी के दूरी नहि नहि
हरष रो हर विरगि नहि
पदल नहि नहि नहि
मन गरणा वं नन नहि नहि
नहि नहि नहि नहि

कदं कदं कदं कदं
दूरी नहि नहि नहि
साविरि नहि नहि नहि
नहि नहि नहि नहि
नन नहि नहि नहि नहि
नहि नहि नहि नहि

कोर कोर नहि नहि
नहि नहि नहि नहि
नहि नहि नहि नहि
नहि नहि नहि नहि

भोर सरोसो एक तलाम
 मन गरणा वै तन सरणा वै
 सांस समीरो गावै लूर ॥
 अघ मुंदियोड़ा नैण-नैण
 अ-वैरो है या सेण ;
 सेन स्यूं मन बिलमावै-रे
 हेत रा हाथ रचा वं-रे
 मन गरणा वै तन सरणावै
 सांस समीरो गावै लूर
 तिरयां मिरयां भरो तळाई
 लैरां पूगो दूरम दूर
 जळ में कण कण होवण सागी
 मद मातो जोवन भरपूर ॥



कामरणी

पग में पैजणियाँ-छणकाती
भीणं घूंघदियं-मुळकाती
पळका बीजळ सा-वरसाती
गजवरण हिवडं नै-हर खाती
आवै-कामणी-कामणी- ॥

सुरमो नैणां में रमाती
चुड़लो चांदी सो चमकाती
लालां पळकं सामो छाती
हिवडं दूणो जोत जगाती
आवै-कामणी-कामणी- ॥

मोती नथ लो रो बतळातां
सूवो वैठ्यो कंवळं पातां
भूमर भीणां भूबका भारं
मुळकं दाड़म बीज पसारं
आवै-कामणी-कामणी ॥

नैणा इमरतियो वरसाती
सांसां सौरभियो विखराती
माथं चन्दो सो चमकाती
वैणी सरपण सो बळखाती
आवै-कामणी-कामणी

माथे चूंदड़ली सतरंगी
 मोठी आमलियां वस अंगी
 लागे जगतो सां बदरंगी
 चून्दड़ माथे रंग बिरंगी
 आवे कामणी - कामणी ॥

लालां - गालां गीत पसारें
 किरणें छोडे किरणें मारें
 नथली बिंदली बात बिचारें
 जुलमी जोवन किरणें धारें
 आवे कामण - कामणी ॥

धीमा - धीमा पगल्या धरती
 नेणा - वैणा सेना करती
 कूं कूं पगल्यां सूं बिखराती
 करती चाले धरती राती
 आवे कामणी - कामणी ॥

सीळी - सीळी पुरवा चाले
 मत ना छेड़ो पल-पल पाले
 रुस्या साथोड़ा मनाले
 धूमर घाले चंग बजाले ॥
 आवे कामण - कामणी ॥

अठ्ठे गीरां धूमर घाले, ईसर आमं लारें चाले ।
 आनिं कुण वरजे कुण पाले तिरछें नेणा नूतो घाले
 आवे कामणी - कामणी ॥



हूक रो कूक

नेण रो नीर ढळ्यो ढळती में
पसर गयो पलकां पासं
कुण वीनै वूभै मनडें माली
नेण रुठियां जग हांसै ॥

फिलमिल-फिलमिल पळकै पलकां
ढुळकै मोती रो सिएगार
भास पडोसी भोजण लाग्या
हूक रो कूक चढी गिगनार
कुण थारी गागर ठेस लगाई
कुण थानै पूछेंलो पुचकार
किणबिद नीर ढळ्यो ढळती में
विखर गयो पलकां पासं.....

प्रीत पावणी हियें हिलोरां
पींगां भर-भर हैत रचें
मेंदी सिरसा लाल मान्डणा
कोरें मन में रचें वसैं
जद-कद पिघळें मन रो मोती
नेणा तोर वणें विखरें
इणबिद नीर ढळ्यो ढळती में
विखर गयो पलकां पासं.....

रुड़ो रूप उतर नैणा में
 नेह-री नौव लगा लीनी
 मोठी सांस सुवास वसी वीं
 हिवड़ें हाट सजा लीनी
 कुण म्हारे हिवड़ें री हाट उजाड़ो
 कुण वी में लाय लगा दोनो
 इणविद नोर दळ्यो दळती में
 पसर गयो पलकां पासै
 कुण वीं नै वूभें मनड़ें माली
 नैण रुठियां जग हांसै ॥



कसूम्बा

उडजा' कसूम्बा काळा काग
संवारुं थारी पाँखड़ली
में तो जोऊं रे जुलमीड़ा थारी वाट
बैरागण बासो जोय रई ॥

भुरभुर रोवं नार साँवळी
पिवजो नै दोजै वताय
बिना घणी रे घण है सूनी
सैजां नाईं सुवाय
भावं नईं म्हानै नींदड़ली रे ॥

दोड़ कसूम्बा सुणा संदेसो
पिवजो रे आवण रो
कद आवैला कद ल्यावैला
म्हारी पायलड़ी
आवं नईं म्हानै नींदड़ली रे ॥

तीज सुहाणीं आईं रे साजना
रुत आईं फळ होय
बिना सार चम्पै रो डाळी
किणविद ताजो होय
देवं रे ताना साधड़ली रे ॥

काग उडाया सुगन मनाया
काज सूर्यो नईं राज
लाड-लडावणियां घर आवो
रस भोजूं सारी रात
थारी मीठी लागै वातड़लो रे
उड़जा कसूमवा काळा काग
संवारूं थारी पाँखड़ली ॥



सौरठा

आळस पर असवार
काळ कोसां पूगणो
कायर हाथ कटार
पाणो लाजे सादिया ॥

मोया मिले हजार
माथा मिलसो भाळियां
विकसो हाट बजार
कोडो सट्टे सादिया ॥

मूढं ऊपर मूछ
मरदानी वातां करे
लारे ओछी पूछ
बलख बछरी सादिया ॥

सतजुग रो हे देण
जीवन जळ रो पोवणो
लूठे घर रो सैण
घणा अरोगे सादिया ॥

मांदा पड़सी लोग
ओसद घर में होवतां
जीवन जळ रो भोग !
रोग ! रेवै नई सादिया ॥

बीजो वात विचार
खेतां पनप्यो कातरो
जीवन जळ री घार
वेगो रळसी रेत में ॥

भाग्यां छूटे लार
बिन भाग्यां पूगें नईं
मोड़ो करसी मार
पूग्यां सरसी सादिया ॥

भाग्या तत्ता तोड़
चाल्या कोनी एक डग
अणगिणती रा मोड़
इण जीवन में सादिया ॥

अणजाणी सो ठोड़
चालां अळगा आंतरा
वसती होगी खोड़
मिनख मिलेनी सादिया ॥

मत कर जाए पिछाण
इण स्यूं पोड़ा ऊपजें
जाणीकर अणजाण
सोरी कटसी सादिया ॥

आम्वें हाळी ठोड़
ऊग्या वयूं अकडोडिया
वसती होगी खोड़
अड़वा होग्या जादमी ॥

कूवे धमया भूण
मोसम लेसी माजनो
सांभर में सो लूण
पाणी चार्या ठा पड़े ॥

कीमत करसी कूण
अवगुण सामा आविया
गुण होणी सो जूण
दोवळ खायें ठूठ रो ॥

अण्चायजतो जीव
क्यूं जलमें क्यूं पांगरें
दुख दाळद नै पीव
पोचो पडसो जीवड़ा ॥

ज्ञानी सुणसी गीत
साजन सुणसी सोरठा
हिवडें पनपें प्रीत
वैरी पढ़सी मरसिया ॥

चम्चेडी रो राज
नाक वचाणी आपरी
कठ्ठे जावै भाज
उल्लू तारुं ऊंदरा ॥

□

मुक्तक

घड़ रो मोल सोस विन कोनी
सोस बिना घड़ घूळ समान
प्रोत बिना सा - दुनियां सूनी
मोत बिना जग सूळ समान ॥

घड़ां मोकळो मिलसी
न्यारा माया मोल मिलै है
मिनख टकै रा च्यार
अठै तो भुक्तै तोल मिलै है ॥

कण रो रिसतो समपूरण स्यूं
समपूरण रो कण स्यूं है ।
भण रो रिसतो एक सेर स्यूं
एक सेर रो भण स्यूं है ॥

सामो गोघो गळी सांकड़ी
लारे भुड़ियां मान घटे
पकड़ सींगड़ा द्यो फटकारो
पाछ पगलियां चाल पड़े ॥

तन रो पूर पातळो पड़ियाँ
कठे लागसी कारो रे
मोठे मूंडे खारा गुटका
मन में तेज कटारी रे ॥

अरे सूरङ्गो सेर जलमसी
मकड़ो ल्यासी भेली
वाळू नै भी पींच - पींच कर
तेल काढ़सी तेली ॥



बूंधोर

भरोसो भाज्या

मिनख री जूण लाजें ।

देखतां भाळतां मानखो ईयां खुळसो

ईयां मिनख रें हाथां मिनखपणो

कदताईं रुळसो

कदताईं विसवासां में विष घुळसो

बसा तो सरी

आ सांच है या सपने में सपनो ।

घाईं धोत्यां भूखी सूयणां

अर नागो नेकरां रें हाथां

भरोसो भाटाऊं तुलसो ।

काळो-पोळो कोड्यां रा नाळ रा नाळ

उकळतं तेल में तळोजता देख

समूचो पोढो रो आंख्यो रा डोरा

होग्या है राता लाल ।

तातें तवें पर सिकती

तीखे ताकळे पोयोडी

मोठें गुलगुलें सो जूण

ठोड ठोड पसरघोडें कीडो नगरें सो

पळगोडां रें पगां तळे रोजीना

किचरीजतो देख

म्हारें नूवां रो नूथोर

पाछी पांगरें ।



